

远开一眼

鸡鸭也有春天

文 / 彭瑞高

现在是鸡鸭的冬天。H7N9一现世,鸡鸭就倒霉了,鸽子也倒霉了,连鹤鹑也倒霉了,短短一个月里,不知多少同类被扑杀。放眼望出去,市面上一只活鸡也没有了,连天上鸽哨也不响了。没有这些,人不觉着冷清吗?

养鸡养鸭的专业户,现在更是冬天。我有一位养鸡朋友,远在奉贤,处境最作孽,打电话请他出来聚聚,他说我现在还有什么心思!他说今年养了十棚鸡,原想收它十万八万的,没想一分钱赚不到,反而亏了好几万。他说想起年三十,人家守岁放炮,我在鸡场搭铺睡觉;一年到头,

本帮菜

螺蛳是农民的“鲍鱼”

文 / 任向阳

回到屋里,要捋脱空的、发臭的坏螺蛳,拿螺蛳倒拉拉篮头或者盆子里汰清爽,汰的辰光就像淘米一样哗啦啦啦淘,利用螺丝外壳的摩擦来嘎脱【搓掉】齙齙,考究一眼的,也可以用刷子刷。然后拿螺蛳养到盆子里去,等瓣排好了,静下来了,螺蛳就会得郁法郁法【游来游去】窜到水面高头,像只吸盘一样,用一只薄来西的猩红色叶盖贴牢仔盆壁,慢慢叫拿螺蛳壳荡下来,舒展开身体,吞水吐泥沙了。当然,吸拉盆壁高头的倂是体格强壮,调皮捣蛋的料作【家伙】,有得大一半的螺蛳仍旧是定定心心慌【挤】拉盆里,伸出头仔吞吞吐吐地蹲拉海【住在这里】。

螺蛳一般可以养伊个两日天,要经常换水。假使大热天,当天早浪养到吃夜饭辰光就够了。要是垃拉清明节后头(主要是小螺蛳已生出来),可以拉水里向滴一眼豆油或者别的烧小菜的油下去,油闷牢仔水面氧气减少,螺蛳的呼吸加快,吞吐越加忙,泥沙、齙齙排出去的力度加大、小螺蛳也慢慢叫从剪脱屁股的尾巴洞里向汉【排泄】出来了。两日天养下来,螺蛳的肚肠就没杂质了,养清爽了,只要多放点水,汰汰伊,沥脱点水就可以烧来吃了。

习惯浪向红烧螺蛳比较受欢迎。拿油镬烧热煊香生姜蒜瓣,“嚓——”一记螺蛳倒进镬子,大火铲刀翻炒一歇,烹黄酒,倒奉量出的“鼎丰”酱油,加盐、白糖,倒少量水(喜欢吃辣的朋友也可以加几段

沪语趣谈

分「挺」搭「挺」分

文、马蒋荣

上个世纪80年代初,像我选种辣辣年轻辰光因为众所周知原因旡没好好读书个人,等到成年有了老婆小囡了,反而要到学堂里去学文化、补文凭。毕竟是上了年纪了,要读书,乃末基础差,所以对语文课上关于动宾、主谓等词语结构个理解一时难以如愿。幸好广校个陈老师有办法,伊用当时上海人当中已经邪气普及个上海话“分挺搭挺分”来解释主谓、动宾等词组结构,三十年后个今朝我还牢牢记辣心浪。

分“挺”——“分”代表钞票,是名词,作主语用;“挺”代表多,是形容词,作谓语,拼辣一道个词组就是“主谓结构”。当时上海人常庄讲:拼个人“分挺”!意思就是:拼个人钞票老多个!

“挺”分——拼搭“挺”代表出、甩,是动词;“分”代表钞票,也是名词,作宾语用,合起来个词组就是“动宾结构”。

比如当时朋友阿三搭小扣子插队落户回来顶替爷娘,辣马路浪碰着后,阿三说:哪能?到隔壁老饭店里涮一顿?小扣子讲:我来挺分!阿三又讲:算依分挺啊?劈硬柴!拼搭意思翻译成普通话就是:阿三讲:怎么样?去隔壁的老饭店里吃饭吧!小扣子说:我出钞票请客!阿三又讲:算你钱多啊?AA制吧!

老里八早

平平叫讲伊不喜欢

文 / 杨忠明

老早仔阿拉读书辰光最喜欢春游,顶好到老远老远个公园去,像西郊公园啊、嘉定个古猗园拼排里个地方去顶扎劲味。公园里暖洋洋个,老开心个。平常是旡没机会去个,汽车开要头两个钟头。掰天介每个班级几十个小朋友齐轧辣一个车厢里,叽叽喳喳个声音就像打翻仔田鸡箩,学堂门口停辣海关卡个公交包车,掰种排场势勿要太闹猛噢。还有开心个是,大家书包里背辣海倂是平常日脚吃勿着个物事:面包、饼干,有人带自家做个馒头、塌饼,条件好点小朋友有水果糖、苹果、生梨啥啥个,拨现在个小人看起来一眼也勿稀奇。

有一年春游个早浪头,外婆去小菜场了,我“睏失觉”,直到伊回来我才再醒:“哪能勿叫醒我?”我心里响了,责怪外婆。“我搭依隔好仔闹钟出去个,要末闹钟坏脱啦?”外婆懊恼个边讲边脱我准备要带个物事,我牙齿也勿刷捞起根油条背上包就奔出了门。真个迟到了!学堂门口冷清清个。门房间摇铃个老伯伯讲车子老早开脱了。我懊恼来勿得了,回转去,旡没劲!迭天春游是到虹口公园,当年我十一岁真有一股“初生牛犊不怕虎”个齙劲也勿晓得虹口公园有几化远?拔脚就跑。袋袋里只有一角钞票留辣买门票!勿认得路,就沿牢无轨电车电线跑。碰到叉道口就坐辣人行道浪看后面开来个电车方向再走,碰到上桥拉塌车个,我也会像小三毛一样上前帮忙推,

名人旧事

巨老对陆康说,我掰几日图章生活忙得勿得了,眼睛刻得看物事也看勿清爽,几个宾馆里送来个印我倂弄好了,吃力煞,赚不到几块洋细钞票,连去书场听书也旡没辰光,陆耀良几次托人来讲,要我脱依一道去听听伊说大书,说是保证说得囡头足,关子卖得多,哈哈,陆耀良掰个讨厌坯,人是蛮好,还要请我去德兴馆老饭店吃虾籽大乌参,糟钵头,草头圈子。小康,依看,伊拿来一块老蹯脚个石头,嘿嘿!是我吵了要帮伊刻印的……我辣旁边仔笑死了,巨老风趣、扎劲,讲闲话不喜欢平平叫讲,大家欢喜告伊茄山河,听伊讲讲老早头个事体。

我拿出一只蛇印钮拨巨老看,老先生拿出进口打火机,叮的一声,点上一支万宝路香烟,吸了一口,伊低头眯着眼横看竖看,最后讲:“迭块昌化冻石钮刻得蛮好,蛇头是扁个,不是圆个,要注意哦?”杨忠明,下趟我拿几只印钮借拨依做样子,伊拉倂交关古朴,依帮我刻点怪兽、螭虎啥啥。”我点头连声说:“好,好个!”

记得,掰日仔,巨老还说:“小青年要用功,多学点本事,多看点旧书,跟牢我两个刻图章学生,小康,徐云叔,多学点传统艺术,不会错个。现在有些小青年穿仔黑包裤,辣弄堂里抖发抖发,瞎七搭八乱混乱白相,将来有得苦头噢了!”

几十年前印坛大师陈巨来先生讲个迭点闲话,是我后来刻苦学习个动力和能量,难以忘怀!

小辰光春游

听人称赞心里蛮乐意个!勿晓得辣啥地方跌破了膝盖皮,想想要走到啥辰光?心里熬勿牢落了眼泪。就辣迭个辰光,后面来仔一部三轮车,踏车个老伯伯停下问我:“小朋友作啥哭,是寻勿着屋里啦?”一看我短裤下脚馒头擦破了,马上抱我上车,我刚刚吓丝丝个告诉伊,要去虹口公园。伊笑了:“哦,勿远了,阿拉先到就近卫生站搨点红药水,我就送依去。”当伊晓得我从老西门跑过来个辰光,眼睛张得老大:“小家伙依有本事噢,跑过三个区了。”伊还帮我拍脱鞋面浪个浮灰,翻起鞋底:“哎!一双新布鞋快跑脱半个鞋底了。”就迭能老伯伯送我到仔虹口公园门口,拨我个情况关照售票员阿姨,再放心个跟我招招手。

阿姨出来笑嘻嘻揶揄我手进了房间。通过公园广播帮我寻里向个小朋友:“文庙路小学个小朋友注意了,侯宝良小朋友辣门口等。”广播一遍又一遍个播放,阿姨一面买票,一面关心问我痛勿痛?一歇歇有几个小朋友满头大汗个寻来了,见面就搭牢我肩膀唧唧喳喳个,心里勿要讲有几化开心啦!

想听想学上海话?请登录新民网上海闲话专题 (http://shxh.xinmin.cn/)

点击新民网学讲上海话

想听想学上海话?请登录新民网上海闲话专题 (http://shxh.xinmin.cn/)

本版各栏目文章可点击播放有声沪语,请大家一起感受上海闲话。